

## ড্যাফোডিল ইউনিভার্সিটির প্রতিষ্ঠাবার্ষিকী উদযাপন

### ■ ইত্তেফাক রিপোর্ট

ড্যাফোডিল ইউনিভার্সিটির চতুর্দশ প্রতিষ্ঠাবার্ষিকীর অনুষ্ঠানে ঢাকা উত্তর সিটি করপোরেশনের মেয়র আনিসুল হক শিক্ষার্থীদের উদ্দেশে বলেছেন, মানুষ স্বপ্নের সমান বড়, কখনো কখনো স্বপ্নের চেয়েও বড়। মানুষ মৃত্যুর পূর্ব মুহূর্ত পর্যন্ত স্বপ্ন দেখে, আর তোমাদের জীবনে স্বপ্ন দেখাটা কেবল শুরু। জীবনে বড় হতে হলে স্বপ্ন দেখতে হবে। তিনি ভাল মানুষের জীবনী ও ভাল বই পড়ার পরামর্শ দেন। শনিবার আওলিয়ায় বিশ্ববিদ্যালয়ের স্থায়ী ক্যাম্পাসে প্রতিষ্ঠা বার্ষিকী উদযাপিত হয় দিনব্যাপী বর্ণাঢ্য আয়োজনের মধ্যদিয়ে।

বিশ্ববিদ্যালয় ট্রাস্টি বোর্ডের চেয়ারম্যান মো. সবুর খান বলেন, আগামী পাঁচ বছরের মধ্যে ড্যাফোডিল ইউনিভার্সিটি হবে বাংলাদেশের সবচেয়ে বড় উচ্চ শিক্ষা প্রতিষ্ঠান।

দিনব্যাপী আয়োজিত বর্ণাঢ্য অনুষ্ঠানমালার মধ্যে ছিল বাস শোভাযাত্রা, আলোচনা অনুষ্ঠান, বৃক্ষরোপণ, বনভোজন, সেলিব্রিটি শো, খেলাধুলা, ফান ইভেন্টস, র্যাফেল ড্র এবং জনপ্রিয় ব্যান্ড দল মাইলসের লাইভ কনসার্ট। অনুষ্ঠানে বক্তব্য রাখেন বিশ্ববিদ্যালয়ের উপাচার্য প্রফেসর ড. ইউসুফ এম ইসলাম, ট্রেজারার হামিদুল হক খান, বিজ্ঞান ও তথ্যপ্রযুক্তি অনুষদের ডীন প্রফেসর ড. এস এম মাহাবুবুল হক মজুমদার, বাণিজ্য ও অর্থনীতি অনুষদের ডীন প্রফেসর রফিকুল ইসলাম প্রমুখ।